



Katekese
iha oratorio
ba Labarik!



V

JEZÚS MORIS HIAS HATUDU AN BA EMA ATUS LIMA RESIN

Objetivo:

Hatene Jezús hatudu an ba ema fiar nain sira

Komprenhe Jezús fo kbiit ba sira ne'ebé presiza

Sai sasin ba Jezús nia moris hias iha mundo ne'e

Prosesu

Orasaun; *Hodi Padre, (Ami AMan, Ave Maria, no Gloria.*

Knananuk Makloke Ami Fiar Jezús

Ami fiar Jezús, ami Na'i. ami hein Jezús, ami Na'i.

ami hananau Jezús, ami Na'i. Na'i Jezús rona ami 2x

Ita ho ami Jezús, Ita ho ami. Iha terus Jezús, Ita ho ami.

Iha ksolok Jezús, Ita ho ami. Ita ho ami ba nafatin 2x

Perguntas

1. *Knananuk foin ita hananu koalio kona ba saida ? (fiar)*

2. *Wainhira ita hamutuk ho Jezus ita sente saida? (hakmatek, damen, ...)*

3. *Iha knananuk ne'e ita husu ba Jezús atu halo saida? (atu rona ita ...)*

4.

Leitura (I Kor. 15:1-11)

Kristu nia moris hi'as

¹Oras ne'e ha'u halo imi hanoin fali, maun alin sira, evanjeliu nebe ha'u haklaken tiha ba imi, nebe imi simu tiha ona no iha nebe imi hamriik metin. ²Housi nia imi hetan maksoin, imi laran metin karik ba liafuan nebe ha'u haklaken tiha ba imi, ka imi fiar leet deit karik. ³Basa ha'u saran ba imi nudar buat nebe folin boot liu buat hot-hotu nebe ha'u mos simu tiha: katak Kristu mate tan ita nia sala sira tuir Eskritura; ⁴katak ema hako'i Nia; katak liu tiha loron tolu, Nia moris hi'as tuir Eskritura; ⁵katak Nia mosu ba Cefas, tuir mai ba sira sanulu resin rua. ⁶Ne'e hotu tiha, Nia mosu ba maun alin na'in atus lima resin ida tempu ida deit, no sira ne'e barak sei moris dau-daun, maski balun toba tiha. ⁷Tuir mai, Nia mosu ba Tiago, hafoin ba apostolu sira hotu. ⁸Ikus mai, hanesan ba ema nebe moris mai iha tempu la los, Nia mosu mai ha'u. ⁹Basa iha apostolu sira leet, ha'u mak kiik liu, la soi atu hanaran an apostolu, basa ha'u fo terus ba Maromak nia kreda. ¹⁰Maibe, tan Maromak nia grasa, ha'u sai buat nebe

Evangelho (Mat. 28: 16- 20)

Eskolante Sanulu resin ida ne'ebé lao ba Galileia, ba foho ne'ebé uluk Jezús haruka sira. hare tiha Nia, sira adora Nia; maibe sira balun laran namlele hela. Jezús hakbesik hodi koalio ba sira dehan: “ Kbiit tomak iha lalehan no rai fo tiha ona mai Ha'u. Ne'e duni lao ba, hanorin na-saun hotu hotu; sarani sira hodi Aman, Oan no Espirito Santo nia naran, hanorin sira atu halo tuir buat hotu ne'ebé Ha'u haruka imi. Ha'u sei hela nafatin hamutuk ho imi, to'o mundu nia rohan.

Perguntas atu haklean Evanjellu

1. Saida mak ohin imi hare iha surat tahan be ha'u hatudu ba imi?

2. Saida mak imi foin rona iha Evangelho?

3. Jezús husu ba Eskolante sira atu ba ne'ebé ?

4. Jezús husu ba Ninia Eskolante sira atu halo saida?

5. ...

Resumo

Alin sira, foin ita hare sikun tolu hamutuk iha surat tahan ida deit. Ida ne'e halo ita atu komprenhe oituan kona kona ba Ita Nia Maromak ka Maromak be ita fiar. Ita nia fiar kesi iha Santissima Trindade, katak iha Maromak ida deit, maibe sira nain tolu keta-ketak, Nain Tolu ne'e mak, Aman, Oan no Espirito Santo.

Aman nia serbisu mak hakiak mundo no buat hotu be moris iha mundo ne'e. La iha buat ida be moris mesak deit, buat hotu Aman mak halo nia moris.

Oan Jezús Kristo, nia knar mak salva. Aman halo tiha buat hotu mesak furak no diak, maibe diabu mai estraga tiha, Oan mak mai halo diak fali. Exp. Apa halo toos kuda ai-fuan (hudi) iha toos laran, hudi fo fuan no tasak, lekirauk mai nauk no estraga. Entaun Apa nia oan mak ba hein toos ne'e atu lekirauk labele estraga aifuan (hudi) iha toos laran ne'e. Ai-fuan ka hudi mak ita ema, lekirauk mak diabo. Oan ba hein toos mak Jezús Kristo.

Espirito Santo mak, hafoun mundo. Jezús Kristo mai hein toos duni lekirauk be estraga ai-fuan, maibe lutu monu estraga no dodok Espirito Santo mak hadiak/ hafoun lutu ne'e. lutu mak ita nia fiar iha Maromak.

Tempo komun

I
SANTISSIMA TRINDADE

Objetivo : Hatene Santissima Trindade katak sa?

Komprende Maromak ida deit maibe Nain tolu keta-ketak

Fiar maski la komprede lolos

Prosesu

Orasaun : Hodi Padre, hodi Filho ,hodi Espirito Santo. Amen

(Ami Aman, Ave Maria , Gloria)

Knananuk: GLORIA BA NA'I


260

Gloria ba Na'i, gloria ba Na'i, hahi ba Na'i.

1. Gloria ba Padre, gloria ba Filho,
gloria ba Espiritu Santu.
2. Nudar hori uluk, oras ne'e,
Tinan ba tinan, nafatin. ***Amen.***

Ilustrasi

Animador prepara surat tahan tesi ba trianglu/ sikun tolu. Hatudu ba labarik sira, tau Aman, Oan no Espirito Santo iha sikun ida-ida.



Esplika:

ne'e surat tahan iha ida deit. Surat tahan ne'e ida, maibe iha sikun tolu. Sikun tolu ne'e iha surat tahan ida. Tolu ne'e iha ida, maki tolu maibe sira mak iha ida deit.

ha'u dau-daun, no Na'i nia grasa iha ha'u la leet deit. Tebes duni, ha'u serbisu maka'as liu fali sira hotu; lo-los la'os ha'u, maibe Maromak nia grasa nebe iha ha'u laran. ¹¹Ne'e duni, biar ha'u ka sira, nune'e ami haklaken no nune'e imi fiar.

Perguntas atu haklean leitura

1. S. Paulo dehan; ha'u saran ba imi nudar buat nebe folin boot liu buat hot-hotu, ne'e katak sa? (Katak Kristu mate tan ita nia sala sira)
2. Saun Paulo hakerek karta ne'e ba se? (sarani sira iha Korinto)
3. Jezus hatudu An ba ema nain hira? (atus lima resin)
4.

Resumo

Wainhira ita rona ema nain atus lima (500), ita bele dehan katak ema barak. Jezus wainhira moris hias tiha husi mate, Nia mosu ba ema hirak ne'e. Jezus laos mosu deit ba Ninia Apostolo sira ne'ebé kalan loron hamutuk ho Nia, maibe mos ba ema seluk. Ba ema sira ne'ebé fiar, Jezus hatudu An ba sira. Mai ita mos, Jezus hatudu Nia An, maske ita sei kiik, Nia hatudu An mai ita liu husi ema seluk hanesan ita nia Mama no Papa, kolega diak sira, Mestre/a sira no husi ema seluk ne'ebé Ita hasoru, no laos deit Jezus hatudu An mai ita liu husi sira ne'e, maibe mos Jezus hatudu An ba sira liu husi ita. No Jezus mosu ho Nia prezensa rasik iha Eukaristia loron loron nian ne'ebé liu husi Hostia santa ne'ebé Nailulik sira kongsagra iha momento konsagraun, tan ne'e wainhira ita ba tuir missa, ita presiza hakmatek rona Padre sira koalia, rona ema lee Maromak nia liafuan; labele halimar, labele nakar tamba se lae ita labele haree Jezus.

Don Bosco iha nia moris nia iha devosaun boot liu ba sakramentu Eukaristia tamba iha ne'ebá mak Jezus prezente liu husi Hostia Santa. Nia mos hanorin Nia Oan sira atu prepara sira nia fuan molok atu celebra Eukaristia. Ba Don Bosco atu to'o iha Jezus presiza liu husi Nia Inan Maria. Wainhira hakarak husu grasa ruma presiza husu liu husi Jezus. Tan Na'i Feto mak nu'udar matadalan ba Jezus.

Atu pratika iha semana laran

Kalan kalan keta haluha reza Ami Aman, Ave Maria, Gloria, Salve Liurai Feto 3x ba Na'i Feto iha loron Novena nian, husi Dia 15 – 24 de Maiu, konvida mos familia atu reza hamutuk.

VI

JEZÚS MORIS HIAS, HATUDU AN BA NIA ESKOLANTE SIRA IHA GALILEIA

Objetivo :

Hatene Jezús hatudu an atu hametin fiar

Komprenhe Jezús fo koragem ba ita

Sai sasin ba Jezús nia lia menon iha ita nia moris tomak

Prosesu

Hodi Padre, Filho, (Ami Aman, Ave Maria no Gloria)

Knananuk Makloke

Imi ba mundu tomak, ba haklaken Ha'u nia liafuan,

Imi ba mundu tomak, lori Ha'u nia domin ba.

Tansa haruka ha'u Na'i, ha'u nia ibun foer, tansa haruka ha'u Na'i.

Tansa haruka ha'u Na'i, ha'u sei labarik ida, tansa haruka ha'u Na'i

(esplika figura ne'e ba labarik sira, hodi kompara ho Evangelho katekeze nian).



bele hafoun buat ne'ebé tuan ona no harahun buat ne'ebé folin laek. Hafoun mak ema sarani baruk reza karik, Nia bele fo kbiit atu nia iha hakarak hodi reza. Harahun ema sarani iha hanoin aat karik Nia iha kbiit atu harahun hanoin aat ne'e hodi hanoin deit buat diak sira.

Jezús mak Maromak Oan ne'ebé bele halo buat hotu, maske ema oho Nia maibe liu loron tolu deit Nia moris hias ona husi mate no mosu ba Nia Eskolante sira hodi fo koragen ba sira atu sira la sente tauk katak sira mesak deit, maibe ho Kbiit Nain ida. Kbiit Nain ne'e mak Espirito santo. Jezús la bele hela nafatin iha mundo ne'e, tan ne'e mak Nia huu iis ba sira dehan : “Simu Espirito Santu ba! Jezús hatoo hela Espírito Santo mai ita, atu Nia tau matan mai ita, no tulun ita, tempo hanesan nia entrega hela ita be Espirito Santo.

Nu'udar Maromak oan, ita tenke buka lori Maromak nia ilas iha ita nia moris nu'udar ema sarani no fiar nain ida, iha ita nia hahalok sira buka hatudu nafatin Maromak nia ilas ba ema, hanesan; halo diak ba ema, tulun ema, laran maus, hamnasa midar..... Dala ruma baruk atu halo hahalok diak sira, wainhira hanesan husu tulun Espírito Santo, basa ida ne'e Ninia knar atu tulun ita no Nia iha kbiit boot atu halakon ka ita nia baruk ten sira ne'e.

Oras ne'e ita iha fulan Na'i Feto nian, ita husu ba Nain Feto atu ajuda ita. Hanesan Ita nia Aman Don Bosco hanorin ita katak, Maria mak ita nia Inan ne'ebé nafatin hamutuk ho ita lor- loron, nune'e keta haluha lorloron reza Ave Maria no Gloria dala tolu, molok hahu ita nia loron no mos wainhira atu deskansa.

Buat ne'ebé atu pratika iha uma

Semana ne'e nia laran sei reza Ave Maria 3 ba Na'i Feto iha dader no kalan, ho intensaun privado no mos ba Dame iha mundu liu-liu ba nasaun sira ne'ebé to'o oras ne'e kontinua funu.

5. Wainhira koalía tiha ho eskolante sira, Jezús haraik ba sira..... Santu
6. Iha tempo ne'e Apostolos sira simu
7. Loron Apostolo sira simu Espírito Santo ita hanaran

1						
2						
3						
4						
5						
6						
7						

Evangelho *Jo. 20: 19-25*

Iha kalan lóron uluk semana nian, uma iha ne'ebé Eskolante sira hela, nia odamatan sira taka metin tan sira ta'uk Judeu sira; Jezús mosu mai, hamriik iha sira leet hodi dehan: “ Dame hela ho imi! ” koalia tiha nune'e Nia hatudu ba sira nia liman no sorin. Hare tiha Na'i, eskolante sira haksolok teb tebes. Jezús lia tun teni ba sira: “ Dame hela ho imi !” Nu'udar Ha'u Aman haruka Ha'u mai, nune'e mos Ha'u haruka imi ba,”. Hateten tiha ne'e, Nia huu iis ba sira dehan : “ Simu ba Espiritu Santu! Sira ne'ebé imi perdua sira sala, sira hetan duni perdua; sira ne'ebé imi la perdua sira sala, sira la hetan duni perdua.”

Tomé sira nain sanulu resin ida ne'e ida, ne'ebé ema hanaran kaduak, lahamutuk ho sira wainhira Jezús mosu. Tan ne'e Eskolante sira hateten ba nia: “ami haree ona Na'i.” Maibe nia hatan ba sira: “Ha'u la haree karik besi kusan iha Nia liman nia kuak, la tau karik ha'u nia liman fuan iha besi kusan fatin, no lahatama karik ha'u nia liman iha Nia sorin, ha'u sei la fiar.”

Resumo.

Alin sira, ohin molok ita hahu ita nia katekeze ita halo ona orasaun atu Na'i akompanha ita iha momentu ida ne'e, iha jogos mos ita hare kona ba Evanjellu ne'ebé ita reflète iha ita nia Katekeze iha loraik ida ne'e. iha Evangelho saun João nian ida ne'e, ita hare iha Apostolo ida ne'ebé naran Tomé, nia la fiar wainhira sira seluk dehan ba nia sira haree ona Jezús, tamba nia la haree ho nia matan, wainhira Jezús mosu ba sira, nain sanulu. Jezús haraik ba sira “Nia Dame no Espirito Santo, Nia haruka sira atu ba haklaken no perdua sala, no haraik Espirito Santu ba nia Apostolu sira atu bele fo forsa ba sira”. Basa Espirito Santo ne'e mak Kbiit Nain,

Evangelho (Mat. 28: 16- 20)

Eskolante Sanulu resin ida ne'ebé lao ba Galileia, ba foho ne'ebé uluk Jezús haruka sira. hare tiha Nia, sira adora Nia; maibe sira balun laran namlele hela. Jezús hakbesik hodi koalia ba sira dehan: “ Kbiit tomak iha lalehan no rai fo tiha ona mai Ha'u. Ne'e duni lao ba, hanorin nasaun hotu hotu; sarani sira hodi Aman, Oan no Espirito Santo nia naran, hanorin sira atu halo tuir buat hotu ne'ebé Ha'u haruka imi. Ha'u sei hela nafatin hamutuk ho imi, to'o mundu nia rohan.

Perguntas atu haklean Evanjellu

1. Saida mak ohin imi hare iha figura ?
2. Saida mak imi foin rona iha Evangelho?
3. Eskolante sira lao ba ne'ebé ?
4. Jezús husu ba Ninia Eskolante sira atu halo saida?
5. ...

Resumo

Alin sira, ohin ita hananu, hare figura no rona evangelho ne'ebé hotu hotu koalía kona ba : “ Haklaken”. Jezús husu ba Nia Eskolante sira atu ba haklaken. Jezús haraik ba sira Ninia Kbiit liu husi Espiritu santu, atu nune'e sira sai forte iha sira nia misaun, Jezús husu sira atu sarani ema “ Hodi Aman, Oan no Espiritu Santu”, ida ne'e mak sinal ne'ebé ita sarani nafatin halo iha ita nia orasaun sira lorloron nian, wainhira ita hader, molok han, molok toba,... Sinal ida ne'e ita keta haluha tamba ita simu batismu wainhira ita sei kiik, Amu-lulik marka sinal kruz ida ne'e iha ita, hodi temi “Aman, Oan no Espiritu Santu” atu ita sai Maromak Oan, no husi Kruz mak Jezús salva ita no hodi Nia terus, mate no moris hias. Ita mos hanesan Eskolante sira, Jezús husu mos ba ita atu ba haklaken, iha ne'ebé iha ita nia moris lorloron nian; hanesan iha uma, eskola, no comunidade ne'ebé ita hela ba; tamba iha ne'ebá ita hasoru ema barak; *ita sei haklaken oinsa?* Liu husi ita nia hahalok diak sira (labaku malu, estuda, tur hakmatek iha sala laran atu rona mestri no mestra nia esplikaun sira, la naok ema nia sasan, respeita ema...). Wainhira Jezús sei kiik Jezús Aprende husi Nia Inan Maria Virjin no Nia Aman hakiak S. José, atu sai labarik ne'ebé diak; aprende servisu (karpintaria), respeita loron Santo, no hadomi ema seluk....

Don Bosco mos, wainhira iha Oratorio hanorin nia oan sira atu sai labarik ne'ebé diak iha kreda no mos sosiedade nia laran. Maske sira

nakar liu maibe ho domin no pasiensia Don Bosco tuir sira atu sira bele aprende buat ne'ebé diak atu nune'e sira bele sai sarani ne'ebé diak no sosiedade ne'ebé los. No ida ne'e Don Bosco halao hodi Ninia Mama Margareta nia tulun atu Don Bosco iha oratorio bele tau matan ba labarik sira ne'e; no Don Bosco konsege halao buat hotu ne'e ho diak tamba liu husi Na'i Feto Auxiliadora nia interseasaun. Fulan-fulan nafatin iha nove-na ba Maria Tulun Nain, no lorloron nafatin reza Rosario. Ida ne'e ha-halok ida ne'ebé Don Bosco halo, nu'udar mandato ida atu "haklaken" no iha tempu hanesan Nia mos hanorin nia oan sira atu aprende sai Sara-ni diak no sidadaun los atu nune'e sira mos bele ba haklaken ba ema se-luk liu husi sira nia moris.

Buat ne'ebé atu pratika iha semana laran

Halo orasaun ida ba Na'in Feto molok deskansa, hodi agrade-se ba diak hotu ne'ebé ha'u simu liu husi familia no belun sira, no husu grasa paz nian ba nasaun sira ne'ebé sei kontinua funu.



VII

ESPÍRITO SANTO TUN BA APOSTOLO SIRA

Objetivo : Hatene Espírito Santo nia knaar, atu hametin fiar
Komprende Espírito Santo atu hakonu an ho Nia kbiit
Laran metin iha Espírito Santo nia kbiit

Prosesu

Orasaun : Hodi Padre, hodi Filho, Ami Aman, Ave Maria no Gloria

Hananu **HARUKA ITA BOOT NIA ESPIRITU 354**

Haruka Ita Boot nia Espiritu

halo foun hikas rai tomak.

1. Ha'u klamar hawelok ha'u Na'i.
Na'i, ha'u nia Maromak, Ita Boot tebes.
Buat hotu Ita Boot hakiak nakonu iha rai.
2. Ita Boot hasai karik Ita Boot nia Espiritu,
sira mate, sira fila ba rai rahun;
haruka Ita Boot nia Espiritu sira moris.
Hafoun rai tomak nia ilas.
3. Na'i nia gloria sei ba nafatin.
Na'i haksolok ho buat hotu Nia halo.
Na'i haksolok ho ha'u nia hananu.
Ha'u nia ksolok iha ha'u Na'i.

Jogos (Teka teki)

Animador sira prepara quadro no marka/ riska halo kuadrado hanesan dezenhu hatudu iha kraik, hafoin Le Evangelho ne'ebé prepara ba Katekeze ne'e, no husu sira atu ense iha kuadrado ida-idak nia laran tuir perguntas ne'ebé iha.

1. Jezús mosu ba eskolante nain..... (animador fo hatene se sira lahatene)
2. Apostolo laiha ne'ebá wainhira Jezús mosu.
3. Wainhira Jezús mosu iha sira nia leet, Nia dehan "..... hela ho imi"
4. ... mos laiha wainhira Jezús mosu, tamba nia mate tiha ona (tara an)